

傳世箴言

第六冊


大眾文藝出版社

传世箴言

第六册

《传世言》

《醉古堂剑扣》



传世言

〔清〕金兰生

学 问 类

古以来许多世家，无非积德；

天地间第一人品，还是读书。

读书即未成名，究竟人品高雅；

修德不期获报，自然梦稳心安。

求道最乐，

读书便佳。

诸君到此何为，岂徒学问文章，擅一艺微长，便算读书种子？

在我所求亦恕，不过子臣弟友，尽五伦本分，共成名教中人。

聪明用于正路，愈聪明愈好，而文学功名益成其美；

聪明用于邪路，愈聪明愈谬，而文学功名适济其奸。



战虽有阵，而勇为本；

丧虽有礼，而哀为本；

士虽有学，而行为本。

飘风，不可以调宫商；

巧妇，不可以主中饋；

文章之士，不可以治国家。

经济出自学问，经济方有本源；

心性见之事功，心性方为圆满。

舍事功，更无学问；

求性道，不外文章。

何谓至行？曰庸行。

何谓大人？曰小心。

何以上达？曰下学。

何以远到？曰近思。

竭忠尽孝，谓之人；
治国经邦，谓之学；
安危定变，谓之才；
经天纬地，谓之文；
霁月光风，谓之度；
万物一体，谓之仁。
为学日益，
为道日损。

有志者事竟成，破釜沉舟，百二秦关终属楚；
苦心人天不负，卧薪尝胆，三千越甲可吞吴。

学以聚之，
问以辨之，
宽以居之，
仁以行之。



以心術為本根，

以倫理為楨干，

以學問為蓄畬，

以文章為花萼，

以事業為結實，

以誦讀為耕耘，

以記問為居積，

以前言往行為師友，

以忠信篤敬為修持，

以作善降祥為受用，

以乐天知命為依歸。

凜閑居以體獨，

卜動念以知几，

謹威儀以定命，

敦大伦以凝道，

备百行以考德，

迁善改过以作圣。

收吾本心在腔子里，是圣贤第一等学问；

尽吾本分在素位中，是圣贤第一等功夫。

操戈者，务得其柄；

究理者，必穷其源。

万理澄澈，则一心愈精愈谨；

一心凝聚，则万理愈通愈流。

观天地生物气象，

学圣贤克己工夫。

下手处，是自强不息，

成就处，是至诚无息。

以圣贤之道教人易，

以圣贤之道治己难；

以圣贤之道出口易，

以圣贤之道躬行难；

以圣贤之道奋始易，

以圣贤之道克终难。

圣贤学问是一套，行王道，必本天德；

后世学问是两截，不修己，只管治人。

口里伊周，心中盗跖，责人而不责己，名为挂榜圣贤；

独凛明旦，幽畏鬼神，知人而复知天，方是有根学问。

无根本的气节，如酒汉殴人，醉时勇，醒来消退，无分毫气力；

无学问的识见，如庖人炆灶，面前明，背后左右，无一些照顾。

理以心得为精，故当沉潜，不然，耳边口头也；

事以典故为据，故当博洽，不然，臆说杜撰也。

只有一毫粗疏处，便认理不真，所以说『惟精』，不然，众论淆之而必疑；

只有一毫二三心，便守理不定，所以说『惟一』，不然，利害临之而心变。接人，要和中有介；

处事，要精中有果；

认理，要正中有通。

在古人之后，议古人之失则易；

处古人之位，为古人之事则难。

古之学者，得一善言，附于其身；

今之学者，得一善言，务以悦人。

古之君子，病其无能也，学之；

今之君子，耻其无能也，讳之。

眼界要阔，遍历名山大川；

度量要宏，熟读五经诸史。

先读经，后读史，则论事不谬于圣贤；

既读史，复读经，则观书不徒为章句。

讀經傳，則根底厚；

看史鑑，則議論偉；

觀云物，則眼界寬；

去嗜欲，則胸怀淨。

讀未見書，如得良友；

讀已見書，如逢故人。

何思何慮，居心當如止水；

勿止勿忘，為學當如流水。

心不欲雜，雜則神蕩而不收；

心不欲勞，勞則神疲而不入。

心慎雜欲，則有余靈；

目慎雜觀，則有余明。

案上不可多書，

心中不可少書；

鱼离水则鳞枯，

心离书则神索。

焚修，非神仙中事；

学问，岂诵读中来？

志之所趋，无远勿届，穷山距海，不能限也；

志之所向，无坚不入，锐兵精甲，不能御也。

把意念沉潜下来，何理不可得？

把志气奋发起来，何事不可做？

不虚心，便如水沃石，一毫进入不得；

不开悟，便如胶柱鼓瑟，一毫转动不得；

不体认，便如电光照物，一毫把捉不得；

不躬行，便如水行得车，陆行得舟，一毫受用不得。

拣作过事，心自明了；

读未明书，学有进境。



与智者言，学其旨趣；

与愚者共，教以当然。

人惧不能自立，莫患人欺；

学至有所见闻，莫愁运蹇。

志宜远大，谓我不可及人，甘于自弃；

心贵和平，休云世莫我知，便尔自负。

取友观其大处，

读书识其纲领。

敬守此心，则心定；

敛抑其气，则气平。

读未见书，重新眉宇；

温已习业，再洗胸襟。

抱济世才，莫皆自弃；

未阅历事，安得为知？

读书贵能疑，疑乃可以启信；

读书在有渐，渐乃克底有成。

看书求理，须令自家胸中点头；

与人谈理，须令人家胸中点头。

爱惜精神，留他日担当宇宙；

蹉跎岁月，问何时报答君亲？

宇宙内事，乃己份内事；

己分内事，乃宇宙内事。

身在天地后，

心在天地前；

身在万物中，

心在万物上。

存养类

性分不可使不足，故其取数也宜多：曰穷理，曰尽性，曰达天，曰入神，曰致





广大、极高明；

情欲不可使有余，故其取数也宜少：曰谨言，曰慎行，曰约己，曰清心，曰节饮食、寡嗜欲。

一分为二，二分为四，以尽事物的精微；

四合为二，二合为一，以极心性之高明。

天行健，君子以自强不息；

地势坤，君子以厚德载物。

明察果决，

含养包罗。

天良乃修德之本，

理性乃卫道之基。

精工言语，于行事毫不相干；

照管皮毛，与性灵有何关涉？

大其心，容天下之物；

虚其心，受天下之善；

平其心，论天下之事；

潜其心，观天下之理；

定其心，应天下之变。

清明以养吾之神，

湛一以养吾之虑，

沉警以养吾之识，

刚大以养吾之气，

果断以养吾之才，

凝重以养吾之度，

宽裕以养吾之量，

严冷以养吾之操。

自家有好处，要掩藏几分，这是涵育以养深；

别人不好处，要掩藏几分，这是浑厚以养大。



以虚养心，

以德养身，

以仁养天下万物，

以道养天下万世。

涵养冲虚，便是身世学问；

省却烦恼，何等心性安和！

喜怒哀乐而曰『未发』，是从人心直溯道心，要他存养；

未发而曰『喜怒哀乐』，是从道心指出人心，要他省察。

存养宜冲粹，近春温；

体察宜谨严，近秋肃。

就性情上理会，则曰涵养；

就念虑上提撕，则曰省察；

就气质上销熔，则曰克治。

一动于欲，欲迷则昏；

一任乎气，气偏则戾。

人心如谷种，满腔都是生意，物欲锢之而滞矣；然而生意未尝不在也，疏之而已耳。

人心如明镜，全体浑是光明，习染薰之而暗矣；然而明体未尝不存也，试之而已耳。

果决人似忙，心中常用余闲；

因循人似闲，心中常有余忙。

寡欲故静，

有主则虚。

宜静默，宜从容，宜谨严，宜俭约，四者切己良箴；

忌多欲，忌妄动，忌坐驰，忌旁鹜，四者切己大病。

常操常存，得一『恒』字诀；

勿忘勿助，得一『渐』字诀。

人性中不曾缺一物，